



საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი

სატენდერო დოკუმენტაცია

ელექტრონული ტენდერის საშუალებით

კარტრიჯების სახელმწიფო შესყიდვა

C P V 30125000 - ფოტოასლების გადასაღები აპარატურის ნაწილები და აქსესუარები

დაფინანსების წყარო: 2015 წლის სახელმწიფო ბიუჯეტი

შესყიდვის სავარაუდო ღირებულება 39300 ლარი, დღგ-ს გათვალისწინებით

ქ. თბილისი, 2015 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ორიგინალის სახით (ასლის წარმოდგენის შემთხვევაში ნოტარიულად დამოწმებული ასლი) ქართულ ენაზე. დოკუმენტის ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართულენოვანი თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სატენდერო წინადადების ღირებულება გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის და ხარჯის გათვალისწინებით.

1.7 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.8 სახელმწიფო შესყიდვების შესახებ ხელშეკრულება იდება წერილობითი ფორმით. ხელშეკრულების პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.9 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.10 სატენდერო დოკუმენტაციის შესახებ დამატებითი ინფორმაციისა და განმარტებების მიღება პრეტენდენტს შეუძლია სისტემის მოდულის-„კითხვა/პასუხის“ მეშვეობით. პრეტენდენტს უფლება აქვს.

1.11 პრეტენდენტს უფლება აქვს შესყიდვის პროცედურებთან დაკავშირებული ინფორმაცია და განმარტებები მიიღოს შემდეგ მისამართზე: ქ. თბილისი, ძმები ზუბალაშვილების ქუჩა #32 (შესასვლელია არსენას ქუჩიდან), საკონტაქტო პირი: ნათია თელია, ტელ: (995-32) 292-11-89;

2. ტექნიკური დავალება

2.1 შესყიდვის ობიექტი:

N	ტექნიკის დასახელება, რომლისთვისაც განკუთვნილია შესყიდვის ობიექტი	შესყიდვის ობიექტის დასახელება (შავ-თეთრი)	რესურსი 5 % დაფარვით	რაოდენობა
1	Xerox WC 3225DNI A4	„Drum cartridge“	10000	60
		„Toner cartridge“	3000	200

შენიშვნა:

ა) *შესასყიდ საქონელზე, იმ შემთხვევაში, თუ იკითხება კონკრეტული სასაქონლო ნიშანი, პატენტი, მოდელი, წარმოშობის წყარო ან მწარმოებელი, იგულისხმება „მსგავსი“, „ანალოგი“ ან „ექვივალენტური“.

ბ) დაზუსტების ეტაპზე (ასეთის არსებობისას) პრეტენდენტის მიერ თავდაპირველად შემოთავაზებული საქონლის ტექნიკური მახასიათებლების, ბრენდის, მოდელის, მწარმოებლის ცვლილება გამოიწვევს მის დისკვალიფიკაციას.

2.1.1. შემოთავაზებული საქონელი დამზადებული უნდა იყოს ქარხნული წესით, ორიგინალი, იყოს ახალი, და შეესაბამებოდეს საქონლის მწარმოებლის მიერ მოცემულ პარამეტრებს (სიგანე, სიღრმე, სიმაღლე, ბეჭდვის ფერი, ბეჭდვის რესურსი და ა.შ.).

2.1.2. კარტრიჯები შემსყიდველს მიეწოდება ქარხნული შეფუთვით, ყუთზე მწარმოებლისა და მოდელის მითითებით. შეფუთვას/ყუთს უნდა გააჩნდეს მწარმოებლის დამცავი ჰოლოგრამა მასზე გამოხატული საფირმო ნიშნით.

ნიმუში:

პრეტენდენტის მიერ შემსყიდველ ორგანიზაციაში წარმოდგენილი უნდა იქნას შესყიდვის ობიექტის ნიმუშები, მოთხოვნის შესახებ შესაბამისი დოკუმენტის სისტემაში ატვირთვიდან არაუგვიანეს 2 სამუშაო დღეში.

2.2. გარანტია:

- ყველა კარტრიჯზე უნდა ვრცელდებოდეს გარანტია მის სრულ დაცვამდე, ხოლო გამოუყენებელ კარტრიჯებზე - მხარეთა შორის მიღება-ჩაბარების აქტის შედგენიდან არანაკლებ ორი წელი.
- საგარანტიო ვადის განმავლობაში კარტრიჯის გახსნიდან მის სრულ დაცვამდე ამობეჭდვისას არ უნდა გამოვლინდეს ხარვეზი: წერტილები, თეთრი და შავი ზოლები და. ა.შ. ამასთან, კარტრიჯიდან არ უნდა იყრებოდეს საღებავი საბეჭდ მოწყობილობაში.
- საგარანტიო ვადის განმავლობაში მიმწოდებელი უზრუნველყოფს წუნდებული საქონლის შეცვლას ახლით, მოთხოვნიდან არაუგვიანეს 10 სამუშაო დღისა.
- ამასთან, იმის გათვალისწინებით, რომ შესასყიდი ობიექტი გათვალისწინებულია მაღალი ხარისხის ტექნიკისთვის, შესყიდვის ობიექტის მიერ ტექნიკის დაზიანების შემთხვევაში, მათ შორის საღებავის/ფხვნილის ტექნიკაში ჩაყრის შემთხვევაში, მიმწოდებელი ვალდებულია აუნაზღაუროს შემსყიდველს ზიანი - საკუთარი ხარჯით შეაკეთოს დაზიანებული ტექნიკა (არაუგვიანეს 10 სამუშაო დღისა).

2.3 მიწოდების ვადა, დრო და ადგილი:

- შესყიდვის ობიექტის მიწოდება უნდა განხორციელდეს ხელშეკრულების ძალაში შესვლის დღიდან არაუგვიანეს 2015 წლის 25 დეკემბრის ჩათვლით.
- შესყიდვის ობიექტის მიწოდების ადგილი: ქ. თბილისი, ძმები ზუბალაშვილების #32; სსიპ საერთო სასამართლოების დეპარტამენტის საწყობი.

2.4 ანგარიშსწორების პირობები:

- ანგარიშსწორება განხორციელდება მხარეთა შორის მიღება-ჩაბარების აქტის შედგენის შემდეგ;
- ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში - ლარში;
- საავანსო ანგარიშსწორება არ გამოიყენება;
- დაფინანსების წყარო: 2015 წლის სახელმწიფო ბიუჯეტი.

2.5 სატენდერო წინადადების ფასი:

- სატენდერო წინადადების საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვების ობიექტის მიწოდებასთან დაკავშირებული ყველა გადასახადის გათვალისწინებით.
- ხარჯები, რომლებიც სატენდერო წინადადების ფასში არ იქნება გათვალისწინებული, არ ანაზღაურდება.
- პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, მხოლოდ იმ პირობით თუ აღნიშნული არ აღემატება სისტემის შესაბამის ველში დაფიქსირებულ საბოლოო ფასს.

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშ-ფაქტურით (ინვოისით) ან/და სხვა ისეთი დოკუმენტაციით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. პრეტენდენტის მიერ წარმოდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება. სატენდერო კომისია განსაზღვრავს დასაბუთების ვადას, რომელიც არ უნდა აღემატებოდეს 10 სამუშაო დღეს.

3 მოთხოვნები პრეტენდენტის მიმართ და წარმოსადგენი დოკუმენტები:

შენიშვნა: საკვალიფიკაციო მონაცემების დამადასტურებელი დოკუმენტები არ მოითხოვება.

3.1. პრეტენდენტს უნდა გააჩნდეს ანალოგიური საქონლის მიწოდების არანაკლებ 2 წლიანი გამოცდილება (2014-2015), რის დასადასტურებლადაც, უნდა წარმოადგინოს ხელშეკრულებები და ამავე ხელშეკრულებების შესრულების დამადასტურებელი მიღება-ჩაბარების აქტები, თითოეული წლისთვის.

3.2. შემოთავაზებული საქონლის ხარისხის/რესურსის დამადასტურებელი დოკუმენტი - ISO (ნოტარიულად დამოწმებული თარგმანი ქართულ ენაზე).

3.3. მწარმოებლის მიერ პრეტენდენტის სახელზე გაცემული ავტორიზაციის ფორმა MAF- Manufacturer`s Authorization Form (ნოტარიულად დამოწმებული თარგმანი ქართულ ენაზე).

3.4. შემოთავაზებული საქონლის მწარმოებელი, აღნიშნულ სფეროში, მსოფლიო ბაზარზე წარმოდგენილი უნდა იყოს არანაკლებ 15 წელი.

3.5. ინფორმაცია მინიმუმ ერთი ავტორიზებული სერვის-ცენტრის შესახებ.

3.6. ფასების ცხრილი, თანდართული დანართი №1-ის შესაბამისად - პრეტენდენტის მიერ ერთიანი ელექტრონული სისტემის მეშვეობით (ტენდერის სტატუსი - „წინადადების მიღება დაწყებულია“ ეტაპზე) საქონლის ტექნიკური მახასიათებლების, მწარმოებელი ქვეყნის, მწარმოებლის/ბრენდის, მოდელის არ მითითება გამოიწვევს მის დისკვალიფიკაციას დაზუსტების გარეშე.

3.7. რეკვიზიტები, თანდართული დანართი №2-ის შესაბამისად.

ფასების ცხრილი

პრეტენდენტის დასახელება _____

N ^o	ტექნიკის დასახელება, რომლისთვისაც განკუთვნილია შესყიდვის ობიექტი	საქონლის დასახელება (შავ-თეთრი)	ძირითადი მახასიათებლები, მწარმოებელი/ ბრენდი, მოდელი	მწარმოებელი ქვეყანა	რაოდ. (ცალი)	ერთ. ფასი (ლარი)	საერთო ღირ. (ლარი)	რესურსი 5%- დაფარვით	მიწოდების ვადა
1	2	3	4	5	6	7	8	9	10
1	Xerox WC 3225DNI A4	„Drum cartridge“			60			10000	
		„Toner cartridge“			200			3000	

შენიშვნა:

პრეტენდენტის მიერ ერთიანი ელექტრონული სისტემის მეშვეობით (ტენდერის სტატუსი - „წინადადების მიღება დაწყებულია“ ეტაპზე) საქონლის ტექნიკური მახასიათებლების, მწარმოებელი ქვეყნის, მწარმოებლის/ბრენდის, მოდელის არ მითითება გამოიწვევს მის დისკვალიფიკაციას დაზუსტების გარეშე.

საქონლის მიწოდების ადგილი: ქ. თბილისი, ძმ. ზუბალაშვილების #32, სსიპ საერთო სასამართლოების დეპარტამენტის საწყობი).

ავტორიზებული სერვის ცენტრების მისამართები:

პრეტენდენტის ხელმოწერა და ბეჭედი (ასეთის არსებობისას)

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელ(ებ)ის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერ(ებ)ი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

პრეტენდენტის ხელმოწერა და ბეჭედი (ასეთის არსებობისას):

ხელშეკრულება სახელმწიფო შესყიდვის შესახებ

წინამდებარე ხელშეკრულების პროექტის პირობები დაზუსტდება ელექტრონულ ტენდერში გამარჯვებულ პრეტენდენტთან ხელშეკრულების დადების პროცესში.

ქ. თბილისი

2015 წელი

1. ხელშეკრულების დამდები მხარეები

ერთი მხრივ, საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), მისი ----- სახით და მეორეს მხრივ, ----- (შემდგომში „მიმწოდებელი“), მისი----- სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, SPA---- ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე.
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – ფიზიკური ან იურიდიული პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი და ობიექტი

- 3.1 --- სახელმწიფო შესყიდვა (CPV ----).
- 3.2. ხელშეკრულებით გათვალისწინებული შესყიდვის ობიექტის აღწერა მოცემულია ფასების ცხრილში, რომელიც ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. ხელშეკრულების ღირებულება

- 4.1. საქონლის ერთეულის ფასი განისაზღვრება თანდართული ფასების ცხრილის მიხედვით (დანართი #1).
- 4.2. ხელშეკრულების ჯამური ღირებულება შეადგენს — (ოლარს).
- 4.3. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

5. გარანტია

- 5.1. ყველა კარტრიჯზე უნდა ვრცელდებოდეს გარანტია მის სრულ დაცვამდე, ხოლო გამოუყენებელ კარტრიჯებზე - მხარეთა შორის მიღება-ჩაბარების აქტის შედგენიდან არანაკლებ ორი წელი.
- 5.2. საგარანტიო ვადის განმავლობაში კარტრიჯის გახსნიდან მის სრულ დაცვამდე ამობეჭდვისას არ უნდა გამოვლინდეს ხარვეზი: წერტილები, თეთრი და შავი ზოლები და. ა.შ. ამასთან, კარტრიჯიდან არ უნდა იყრებოდეს საღებავი საბეჭდო მოწყობილობაში.
- 5.3. საგარანტიო ვადის განმავლობაში მიმწოდებელი უზრუნველყოფს წუნდებული საქონლის შეცვლას ახლით, მოთხოვნიდან არაუგვიანეს 10 სამუშაო დღისა.
- 5.4. ამასთან, იმის გათვალისწინებით, რომ შესყიდვის ობიექტი გათვალისწინებულია მაღალი ხარისხის ტექნიკისთვის, შესყიდვის ობიექტის მიერ ტექნიკის დაზიანების შემთხვევაში, მათ შორის საღებავის/ფხვნილის ტექნიკაში ჩაყრის შემთხვევაში, მიმწოდებელი ვალდებულია საკუთარი ხარჯით შეაკეთოს დაზიანებული ტექნიკა, შემსყიდველის მოთხოვნიდან არაუგვიანეს 10 სამუშაო დღისა.

5. ხელშეკრულების შესრულების კონტროლი

- 5.1. მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - შემსყიდველის ---სამმართველოს თანამშრომელი.
- 5.2. შემსყიდველი უფლებამოსილია, ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6. შესყიდვის ობიექტის მიღება-ჩაბარების წესი

- 6.1. საქონლის მიღება-ჩაბარება დასტურდება შესაბამისი მიღება-ჩაბარების აქტით, რომელსაც ადგენენ და ხელს აწერენ მხარეთა უფლებამოსილი წარმომადგენლები, შესაბამის ეტაპზე ფაქტიურად მიღებული საქონლის შესაბამისად.
- 6.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია: - --
- 6.3. მიღება-ჩაბარების აქტი დგება სამ ეგზემპლარად, რომელთაგან ორი გადაეცემა შემსყიდველს, ხოლო ერთი მიმწოდებელს.

7. საქონლის მიწოდების პირობები

- 7.1 მიწოდების ვადა: ხელშეკრულების ძალაში შესვლის დღიდან არაუგვიანეს ა/წ 25 დეკემბრის ჩათვლით.
- 7.2 მიწოდების ადგილი: ქ. თბილისი, ძმები ზუბალაშვილების #32; სსიპ საერთო სასამართლოების დეპარტამენტის საწყობი.

8. ანგარიშსწორება

- 8.1. ანგარიშსწორება განხორციელდება ეროვნულ ვალუტაში - ლარში;
- 8.2. ანგარიშსწორების ფორმა - უნაღდო;
- 8.3. დაფინანსების წყარო: 2015 წლის სახელმწიფო ბიუჯეტი;
- 8.4. ანგარიშსწორება განხორციელდება მხარეთა შორის მიღება-ჩაბარების აქტის შედგენის შემდეგ.

9. ხელშეკრულებაში ცვლილება

- 9.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, არაუმეტეს ხელშეკრულების თავდაპირველი ჯამური ღირებულების 10%-ისა. გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების გადასინჯა ხდება საქართველოს კანონმდებლობით დადგენილი წესით;

9.3. მხარეების მიერ წინამდებარე ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რის შესახებაც არანაკლებ 5 კალენდარული დღით ადრე წერილობითი ფორმით ან კომუნიკაციის ელექტრონული საშუალებების გამოყენებით უნდა შეატყობინოს მეორე მხარეს;

9.4. ხელშეკრულება შეიძლება ასევე შეწყდეს მხარეთა ურთიერთშეთანხმების საფუძველზე.

10. ფორს-მაჟორი

10.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად, თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დამოკიდებული მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით;

10.3. ფორს-მაჟორული გარემოების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. იმ შემთხვევაში, თუ შესრულების შეფერხება გაგრძელდება 3 თვეზე მეტ ხანს, მხარეებს უფლება აქვთ შეწყვიტონ ხელშეკრულება.

11. მხარეთა ურთიერთობა

11.2. შემსყიდველი ვალდებულია უზრუნველყოს გაწეული სამუშაოს ღირებულების ანაზღაურება ხელშეკრულებით გათვალისწინებულ ვადებში;

11.3. მიმწოდებელი უფლებამოსილია მოსთხოვოს შემსყიდველს გაწეული სამუშაოს ღირებულების ანაზღაურება ხელშეკრულებით გათვალისწინებულ ვადებში;

11.4. მიმწოდებელი ვალდებულია:

- ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით;
- ბ) იმ შემთხვევაში, თუ რომელიმე პარამეტრი არ შეესაბამება „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.

12. ხელშეკრულების პირობების შეუსრულებლობა

12.1. ფორს-მაჟორული გარემოებების გარდა, საქონლის მიწოდების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების საერთო ღირებულების 0.5 %-ის ოდენობით.

12.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

12.3. სახელშეკრულებო ვალდებულებების სრულად ან ნაწილობრივ შეუსრულებლობის, ან არაჯეროვნად შესრულების შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების საერთო ღირებულების 5%-ის ოდენობით.

12.3. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,5 %-ის ოდენობით.

12.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

13. ხელშეკრულების მოქმედების ვადა

13.1 ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს ----- ჩათვლით.

14. დამატებითი პირობები

14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

14.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი ეგზემპლარი მიმწოდებელთან და ორი ეგზემპლარი - შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები: